



分類補註李太白詩卷之十七

送

送魯郡劉長史遷弘農長史

魯國一杯水難容橫海鱗仲尼且不敬况乃

尋常人白玉換斗粟黃金買尺薪閉門木葉

下始覺秋非春

齊賢曰孟子以一杯水救一車薪之火海賦魚則橫海之

鯨魯人以仲尼為東家丘周禮考工記注八

尺曰尋倍尋曰常楚詞洞庭波兮木葉下士

贊曰莊子覆杯水於坳堂之上則芥為之舟

容吞舟之魚橫江湖之鱣鯨兮固將制於螻  
蟻亦取夫子之道至大天下莫能容之義此  
用其意戰國策蘇秦曰楚國食貴於玉薪貴  
於桂張協詩尺燼重尋桂紅粒貴瓊瑤良曰  
燼薪也紅粒米也一尺之薪價重於一尋之  
桂而米亦重於玉也淮南子曰一葉落而天  
下知秋聞君向西遷地即鼎湖隣寶鏡匣蒼蘚  
丹經理素塵軒后上天時攀龍遺小臣及此  
留惠愛庶幾風化淳齊賢曰鼎湖小臣攀龍  
辭事見前士贊曰尚書  
注惠愛也愛則民歸之前漢刑法志  
曰庶幾可及詩大序曰上以風化下魯縞如  
白煙五縑不成束臨行贈貧交一尺重山嶽

相國齊晏子贈行不及言託陰當樹李忘憂

當樹萱他日見張祿綈袍懷舊恩齊賢曰孔  
安國曰縑

白縑韓安國曰強弩之末不能穿魯縞易之  
賁曰束帛弋弋子夏傳云五匹為束三玄二  
縑象陰陽家語孔子去周老子送之曰富貴  
者送人以財仁者送人以言晉趙鞅謂陽虎  
曰樹桃李者夏得其休息秋得其實焉毛詩  
焉得諼草言樹之背注萱草令人忘憂張祿  
茫睢也綈袍戀戀事見前注士贊曰後漢馮  
衍傳曰德重山岳澤深河海選短歌行思念  
恩舊

送族弟單父主簿凝攝宋城主簿至

郭南月橋却迴棲霞山留飲贈之

吾家青萍劍操割有餘閑往來糾二邑此去

何時還鞍馬月橋南光輝歧路間賢豪相追

餞却到棲霞山群花散芳園斗酒開離顏樂

酣相顧起征馬無由攀齊賢曰青萍劍名左

割也曹植詩採桑岐路間潘岳詩驅役幸二

邑士贊曰鮑照詩鞍馬光照地又宗黨生光

輝酈食其傳縣中賢豪不敢役陶潛詩斗酒

聚比隣又綠酒開芳顏江淹別賦云驅征馬

而不顧

### 魯郡東石門送杜二甫

醉別復幾日登臨徧池臺何時石門路重有

金樽開秋波落泗水海色明徂徠飛蓬各自

遠且盡手中杯齊賢曰宋玉九辯僚慄兮若

論語子路宿於石門江淹詩金樽坐含霜魯

部有泗水縣毛詩徂徠之松注山名又首如

飛蓬士贊曰杜工部嘗有詩贈太白曰何時

### 魯郡堯祠送張十四遊河北

猛虎伏尺草雖藏難蔽身有如張公子翫髀  
在風塵豈無橫腰劍屈彼淮陰人擊筑向北

燕燕歌易水濱歸來太山上當與爾為鄰齊賢

曰後漢趙壹詩伊優北堂上翫髀倚門邊注  
翫髀高亢犇直之貌淮陰少年侮韓信高漸  
離擊筑而歌送荆卿易水上事見前士贇曰  
後漢竇融傳論拔起風塵之中孫皓詩曰與  
爾為鄰今與爾為臣

與爾為鄰今與爾為臣

### 杭州送裴大澤時赴廬州長史 吳中

西江天柱遠東越海門深去割辭親戀行憂

報國心好風吹落日流水引長吟五月披裘

者應知不取金齊賢曰漢書武帝登嶠天柱  
山文穎曰天柱山在嶠縣南

杭州望海門三山隱隱可見嵇康高士傳披  
裘公者吳人延陵季子出游見道中有遺金

時當五月見披裘而負薪顧令取彼金公投鎌  
真曰五月披裘而負薪豈取金者哉季子大

驚問其姓名公曰吾子皮相之士安足語姓  
名南史甄彬中山人嘗以一束苧就長沙寺

質錢後贖苧中得五兩金送還寺道人以半  
酬彬彬不受謂曰五月披羊裘而負薪豈拾

遺金者耶士贇曰李陵書曰故欲如前書之  
言報恩於國主耳陶潛詩好風與之俱曹植

詩驚風飄白日忽然歸西山  
魏武帝詩短歌微吟不能長

灞陵行送別

送君灞陵亭灞水流浩浩上有無花之古樹  
下有傷心之春草我向秦人問路岐云是王  
粲南登之古道古道連綿走西京紫闕落日  
浮雲生正當今夕斷腸處黃鸝愁絕不忍聽  
齊賢曰灞陵見前管子曰浩浩者水育育者  
魚江淹別賦春草碧色春水綠波送君南浦  
傷如之何王粲山陽人獻帝西遷從至長安  
以西京擾亂乃之荊州依劉表登荊州縣城  
樓作賦以寄意士贊曰景福殿賦淶水浩浩  
鮑照詩駟馬停路岐旗延年詩城闕煙塵生

江淹詩日落長沙渚曾陰萬里生選燕歌  
行念君客遊思斷腸王粲詩不忍聽此言

送賀監歸四明應制

久辭榮祿遂初衣曾向長生說息機真訣自  
從茅氏得恩波應阻洞庭歸瑤臺含霧星辰  
滿仙嶠浮空島嶼微借問欲栖珠樹鶴何年  
却向帝城飛齊賢曰賀知章遷秘書監天寶  
中病夢遊帝居乃請為道士還  
鄉里詔許之以宅為千秋觀而居又求周宮  
湖數頃為放生池賜鏡湖剡溪一曲既行帝  
賜詩皇太子百官餞送晉孫綽嘗作遂初賦  
洞仙傳茅濛字初成師鬼谷先生受長生之

術神丹之方入華山修道合藥乘雲駕龍白  
日昇天離騷望瑤臺之偃蹇兮見有娥之逸  
女淮南子崑崙崙崙中有增城九重珠樹玉樹漢  
陳咸數賂遺陳湯子書曰即蒙子公力得入  
帝城死  
不恨

### 送竇司馬貶宜春

天馬白銀鞍親承明主歡鬪雞金宮裏射鴈  
碧雲端堂上羅中貴歌鐘清夜闌何年謫南  
國拂劍坐長嘆趙璧為誰點隋珠枉被彈聖  
朝多雨露莫厭此行難齊賢曰漢志渥注水  
出天馬徐敬業詩汗

馬躍銀鞍曹植詩鬪雞東郊道史秦既得趙  
璧無意與城蘭相如回之曰此望有取以歸  
呂氏春秋隋侯之珠彈千仞之雀世必笑之  
說苑隋侯之珠用之彈雀不如泥丸王贊曰  
漢李廣傳曰使中貴人從廣服虔曰內之貴  
幸者鬪雞事見三卷鮑照詩庭下列歌鐘曹  
植詩清夜遊西園聖朝多雨露即唐書制曰  
朕以恩澤者帝王之雨露之意記孔子間居  
曰天有風雨霜  
露無非教也

### 送羽林陶將軍

將軍出使擁樓船江上旌旗拂紫煙萬里橫  
戈探虎穴三杯拔劍舞龍泉莫道詞人無膽

氣臨行將贈繞朝鞭

齊賢曰唐志左右羽林

品將軍各三人從三品掌統北衙禁兵督攝

左夾廂飛騎儀仗大朝會則周衛階陛巡幸

則夾馳道為內仗通典樓船船上建樓三重

列女檣戰格樹幡幟開弩矟矛穴狀如城壘

周禮熊虎為旗析羽為旌漢書班超曰不入

虎穴不得虎子史記項莊拔劍起舞龍泉劍

名左傳士會辭秦歸繞朝贈之以策士贊曰

班固東都賦旌旗拂天鮑照詩揚芬紫煙上

詞人太白自稱也揚子曰詞人太自稱也揚子曰詞人之賦麗以淫

幕府

送程劉二侍郎兼獨孤判官赴安西

安西幕府多材雄喧喧唯道三數公綉衣貂

裘明積雪飛書走檄如飄風朝辭明主出紫

宮銀鞍送別金城空齊賢曰唐志安西都護

故地又徙治龜茲都督府而故府復為西州

李廣傳幕府省約文書師古曰幕府以軍幕

為義軍旅無常居止故以帳幕言之漢百官

公卿表侍御史有綉衣直指蘇秦黑貂之裘

弊說文檄尺二書也師古曰為檄文馳以示

遠所西都賦煥告列宿紫宮是環徐敬業詩

汗馬躍銀鞍過秦論曰金城千里士贊曰謝

靈運詩積雪明遠峯荀子議兵曰楚人輕利

如飄風天外飛霜下葱海火旗雲馬生光彩



胡塞清塵幾日歸漢家草綠遙相待齊賢曰漢書西

則限以葱嶺師古曰西河舊事云葱嶺其山

高大上悉生葱故以名考工記龍旂九旒以

象大火鳥旂七旒以象鶉火大火蒼龍宿之

心鶉火朱鳥宿之柳士贊曰張景陽七命飛

霜迎節高風送秋禮冬官考工記輶人龍旂

九旒以象大火也注曰交龍為旂諸侯之所

建也大火蒼龍宿之心其屬有尾尾九星魏

文帝詩上天垂光彩曹植詩顧盼遺光彩

### 送姪良攜二妓赴會稽戲有此贈

攜妓東山去春光半道催遙看若桃李雙入

鏡中開齊賢曰王羲之云每行山陰道上如

前曹植詩曰南國有佳人容華勝桃李

### 送賀賓客歸越

鏡湖流水漾清波狂客歸舟逸興多山陰道

士如相見應寫黃庭換白鵝齊賢曰賀知章

事見前詩羲之傳山陰道士養好鵝羲之往

觀意甚悅道士云為寫道德經當舉群相贈

### 送張遙之壽陽幕府

壽陽信天險天險橫荆關符堅百萬衆遙阻

八公山不假築長城大賢在其間戰夫若熊  
 虎破敵有餘閑張子勇且英少輕衛霍辱投  
 軀紫髯將千里望風顏勗爾效才略功成衣  
 錦還齊賢曰壽春縣屬九江東晉以鄭皇后  
 諱改壽陽易曰天險不可升八公山一  
 名肥陵山在壽春縣北四里李勣傳治并州  
 十六年以威肅聞帝嘗曰煬帝不擇人守邊  
 勞中國築長城以備虜今我用勣守并突厥  
 不敢南賢長城遠矣獻帝春秋張遼問吳降  
 人向有紫髯將軍上長下短便馬善射是誰  
 曰孫會稽朱買臣拜會稽太守上曰富貴不  
 歸故鄉如衣錦夜行士贊曰符堅兵敗見八  
 公山草木皆晉師事見前卷注爾雅釋名熊

虎為旗將軍所建象其猛如熊虎也衛霍  
 青霍去疾也二人皆漢名將孱字又出漢書  
 張耳傳云吾王孱王也孟康曰冀州人謂儒  
 弱為孱漢田延年傳云以才略給事幕府

送裴十八圖南歸嵩山二首

何處可為別長安青綺門胡姬招素手延客  
 醉金樽臨當上馬時我獨與君言風吹芳蘭  
 折日沒鳥雀喧舉手指飛鴻此情難具論同

歸無早晚潁川有清源齊賢曰長安霸城門  
 曰青門古詩纖纖出

素手曹植樂府金樽玉杯不能使薄酒更厚  
 高士傳許由隱而去耕於中岳潁水之陽士

贊曰嵇康詩目送飛鴻謝靈運詩客遊  
倦水宿風潮難具論毛詩與子同歸

其二

君思潁水綠忽復歸嵩岑歸時莫洗耳為我  
洗其心洗心得真情洗耳徒買名謝公終一

起相與濟蒼生齊賢曰巢父洗耳事見前繫

進不買名聲於天下晉書  
曰安石不起當如蒼生何

同王昌齡送族弟襄歸桂陽二首

秦地見碧草楚謠對清樽把酒爾何思鷓鴣

啼南園余欲羅浮隱猶懷明主恩時著紫官

戀孤負滄洲言終然無心雲海上同飛翻相

期乃不淺幽桂有芳根齊賢曰江淹賦春草

東西迴翔然開翅之始必先南翥其鳴自呼

社薄州羅浮山在增城博羅二縣之境西京

賦正紫官於未央揚雄檄靈賦世有黃公者

起於滄洲謝眺詩復協滄洲趣謝靈運詩終

然謝天伐陶潛辭雲無心而出岫王粲詩苟

非鴻鵬孰能飛翻士贊曰周易何思何慮張

哉

其二

爾家何在瀟湘川青莎白石長江邊昨夢江  
花照江國幾枝正發東牕前覺來欲往心悠  
然魂隨越鳥飛南天秦雲連山海相接桂水  
橫煙不可涉送君此去令人愁風帆茫茫隔

河洲春潭瓊草綠可折西寄長安明月樓

齊賢

曰楚詞青莎雜樹繁草蘿靡古詩越鳥巢南  
枝謝靈運詩且帆挂水潮詩云在河之洲士

贊曰張衡詩欲往從之嶺坂長晉謝安嘗與  
王羲之登冶城悠然遐想有高世之志晉天  
文志秦雲如行人江淹別賦送君南浦傷如  
之何繁欽述行賦茫茫河濱謝靈運詩河洲  
多沙塵十洲記方  
丈洲有瓊田芝草

送外甥鄭灌從軍三首

六博爭雄好彩來金盤一擲萬人開丈夫賭

命報天子當斬胡頭衣錦迴

士贊曰楚詞篔  
簹象床有六簿

晉書劉毅一擲百萬南史張壞百口一擲出  
手得盧北史高琳侍宴賦詩曰何以報天子  
沙漠淨妖氛爭雄金  
盤衣錦三事並見前

其二

丈八蛇矛出隴西彎弧拂箭白猿啼破胡必

用龍韜策積甲應將熊耳齊齊賢曰晉載記陳安敗死隴上

人歌曰丈八蛇矛左右盤十盪十决無當前

淮南子楚王有白猿使養由基射之矯矢未

發而猿擁柱號矣太公六韜有龍韜光武降

赤眉於宜陽積兵甲宜陽城西與熊耳山齊

士贇曰鮑照詩彎弧不解張

其三

月蝕西方破敵時及瓜歸日未應遲斬胡血

變黃河水梟首當懸白鵲旗齊賢曰酉陽雜俎李太白聞祿

山反作胡無人詩曰太白入月敵可摧後祿

山死日果見太白蝕月左傳瓜時而往及瓜

而代崔鴻十六國春秋伏都攻冉閔為閔所

殺橫尸相枕血流成渠史記武王斬紂縣之

旗白

送于十八應四子舉落第還嵩山

吾祖吹橐籥天人信森羅歸根復太素羣動

熙元和炎炎四真人摛辨若濤波交流無時

寂楊墨日成科夫子聞洛誦誇才才故多為

金好踊躍久客方蹉跎道可束賣之五寶溢

山河勸君還嵩丘開酌盼庭柯三花如未落

乘興一來過齊賢曰吾祖老子也老子云天

芸芸各復其根歸根曰静列子云太素者質

之始也莊子云何謂真人古之真人登高不

慄入水不濡入火不熱孟子子口楊朱墨翟之

言盈天下莊子曰副墨之子洛誦之孫又曰

大冶鑄金金踊躍曰我必為鏹鄒大冶必以

為不祥之金阮嗣宗詩白日忽蹉跎淵明歸

去來辭盼庭柯以怡顏王子猷云乘興而來

七贊曰莊子曰皆稟於二不離於宗詞之天

人謝靈運詩窈窕究天人陶潛詩日入群動

息三花聚頂五氣朝天道家修養法也三花

落則死矣三花未落乘興來過言有生之年未死之日猶有再會之期也

送別

尋陽五溪水汭直入巫山裏勝境由來人

共傳君到南中自稱美送君別有八月秋颯

颯蘆花復益愁雲帆望遠不相見日暮長江

空自流齊賢曰酈道元注水經曰武陵有五

雄作熊楠作朗漁作武悉是蠻夷所居故謂

之五溪蠻皆槃瓠子孫在今辰州界江賦沂

洄沿流注逆流而上曰沂洄順流而下曰沿

巫山見前士贊曰尋陽五溪水汭直入巫

山

山裏者詩意蓋謂由尋陽上五溪而入巫山也巫山介乎夔峽二州之間峽有青溪赤溪綠蘿溪滄茫溪姜詩溪爲峽之五溪必知別者由九江徑之三峽而入巫山也今子見直指爲武陵五溪恐失詩意按此五溪由沅合湘瀘于洞庭至岳陽而後入江與巫峽地勢不相聯屬借曰此水亦經尋陽太白豈肯遺乎沅湘洞庭之大而獨舉夫武陵五溪之細乎所引非武陵五溪甚明當是峽之五溪也易曰其所由來者漸矣楚詞風颯颯兮木蕭蕭江淹別賦送君南浦傷如之何馬融廣成頌方餘艦連舫舟張雲帆施幌懣王勃詩檻外長江空自流孟子有字音又此有字同

### 送族弟綰從軍安西

漢家兵馬乘北風鼓行而西破犬戎爾隨漢將出門去剪虜若草收奇功君王按劍望邊色旄頭已落胡天空匈奴繫頸數應盡明年應入蒲萄宮齊賢曰張良世家曰使布聞之則鼓行而西耳穆王西征犬戎得四白鹿四白狼陸機詩天子按劍怒說苑秦帝按劍而坐晉天文志昂七星爲旄頭胡星見前賈誼曰請必係單于之頸漢元壽三年單于來朝舍之上林苑蒲萄宮

### 送梁公昌從信安北征

入幕推英選捐書事遠戎高談百戰術鬱作

萬夫雄起舞蓮花劍行歌明月宮將飛天地  
陣兵出塞垣通祖席留丹景征麾拂彩虹旋  
應獻凱入麟閣佇深功齊賢曰孫子曰百戰百勝非善之善者也  
漢高紀項莊曰軍中無以為樂請以劍舞晉  
灼曰古長劍首以玉作井鹿盧形上刻木作  
山形如蓮花初生未敷時虎韜武王問太公  
曰凡用兵為天陣地陣人陣柰何太公曰日  
月星辰斗杓一左一右一向一背此謂天陣  
丘陵水泉亦有前後左右之利此謂地陣用  
車用馬用文用武此謂人陣古今注塞者所  
以擁塞夷狄風俗通云共工氏子好遠遊故  
祀以為祖神祖也丹景日也沈休文詩標  
王秉白旄以麾是也

峯綵虹外楚詞建綵虹以招指周官大司樂  
王軍大獻則鼓其愷樂愷歌大司馬若師有  
功則愷樂獻于社漢蘇建傳甘露三年上思  
股肱之美乃圖畫其人於麒麟閣士贊曰晉  
謝安謂郗超曰郗生可謂入幕之賓矣陸機  
詩高談一何綺史記魏外黃徐子謂太子申  
曰臣有百戰百勝之術書曰萬夫之長北史  
高昂傳論曰昂昂膽力氣冠萬夫王粲詩生  
為百夫雄死為壯士  
規莊子行歌而去之

### 送白利從金吾董將軍西征

西羗延國討白起佐軍威劍決浮雲氣弓彎  
明月輝馬行邊草綠旌卷曙霜飛抗手凜相



顧寒風生鐵衣

齊賢曰漢有東菴西菴西菴

南岳及舜流之三危河關之西南羌地是也濱於賜支至平河首綿地千里賜支禹貢析支也南接蜀漢徼外蠻夷西北鄯善車師諸國所居無常依隨水草地少五穀以產牧為業史記白起郿人善用兵事秦昭王為武安君士贊曰莊子曰天子之劍上决浮雲下絕地紀此劍一用匡諸侯天下服矣孔叢子曰子高游趙還有鄒文李節者送別流涕交頤手而巳

送張秀才從軍

六駁食猛虎耻從駑馬群一朝長鳴去矯若

龍行雲壯士懷遠略志存解世紛周粟猶不

顧齊珪安肯分抱劍辭高堂將投崔冠軍長

策掃河洛寧親歸汝墳當令千古後麟閣著

奇勲齊賢曰毛詩隰有六駁毛萇曰駁如馬

跡乎樊噲入項王曰壯士顏延年陶徵士誄

曰解體世紛結志區外史記武王平殷伯夷

叔夷不食周粟隱於首陽山左思詩吾慕魯

仲連談笑却秦軍當世貴不羈遭難能解紛

功成不受賞高節卓不群臨組不肯絲對珪

不肯分項羽傳諸將皆屬宋義號為卿子冠

軍張晏曰若霍去病功冠三軍因封為冠軍

奮長策而御宇內時祿山思明據洛陽揚子  
孝莫大於寧親毛詩汝墳箋云墳注也虞義  
詩當今麟閣上千載有雄名士贊曰前漢西  
域傳張騫懷致遠之畧按猛武當作猛虎昔  
唐國諱虎故以武易之  
異代不諱因校正焉

### 送崔度還吳度故人禮部員外輔國

之子

幽燕沙雪地萬里盡黃雲朝吹歸秋鴈南飛  
日幾群中有孤鳳雛哀鳴九天聞我乃重此  
鳥綵章五色分胡為雜凡禽雞鶩輕賤君舉

手捧爾足疾心若火焚拂羽淚滿面送之吳

江濱去影忽不見躊躇日將曛齊賢曰唐幽

都縣武德元年為燕州謝靈運詩風悲黃雲  
起淮南子曰黃泉之埃上有黃雲東觀記鳳  
高八尺五彩易林曰鳳生五雛屈原卜居云  
將與雞鶩爭食乎月令云鳴鳩拂其羽左思  
詩躊躇足力煩士贊曰江淹詩黃雲蔽千里  
詩云哀鳴嗷嗷又如惓如焚憂心如熏綵章  
五色見前周禮水涯曰  
濱鮑照詩向風起江濱

### 送祝八之江東賦得浣紗石

西施越溪女明艷光雲海未入吳王宮殿時

浣紗古石今猶在桃李新開映古查菖蒲猶  
短出平沙昔時紅粉照流水今日青苔覆落  
花君去西秦適東越碧山青江幾超忽若到  
天涯恩故人浣溪石上窺明月齊賢曰寰宇  
記勾踐索美  
女獻吳王得諸暨賣薪女鄭旦西施先習禮  
於土城山山邊有石是西施浣紗石士贊曰  
王簡栖頭陀寺碑東  
望平阜千里超忽

送侯十一 梁宋

朱亥已擊晉侯嬴尚隱身時無魏公子豈貴

抱關人余亦不火食遊梁同在陳空餘湛盧

劍贈爾託交親

齊賢曰禮記有不火食者矣  
論語孔子在陳絕糧越絕書

闔閭無道湛盧之劍去之入水士贊曰侯嬴  
進朱亥於公子無忌事見前曹植詩親交義  
不薄漢司馬相  
如傳曰薄遊梁

魯中送二從弟赴舉之西京

再至魯  
一作

送族  
弟鯉

魯客向西笑君門若夢中霜凋逐臣髮日憶  
明光宮復羨二龍去才華冠世雄平衢騁高

足逸翰凌長風舞袖拂秋月歌筵聞早鴻送

君日千里良會何由同齊賢曰桓子新論云

向西而笑三輔舊事云桂宮內有明光殿吳

陶丘洪薦劉繇字正禮刺史曰前年舉山公

柰何復舉正禮洪曰若使君用山公於前擢

正禮於後所謂御二龍於長途爾雅四達謂

之衢宗慤乘長風破萬里浪史記長袖善舞

士贊曰鮑照詩逐臣對撫心漢元后弟成都

侯王商嘗病暑從上借明光宮後漢許劭字

子將與兄虔並知名汝南人稱平輿淵有二

龍齊柳惔與兄悅王儉謂柳氏二龍廬

湛詩智勇冠當世江淹詩送君如昨日

奉餞高尊師如貴道士傳道錄畢歸

北海 齊州

道隱不可見靈書藏洞天吾師四萬劫歷世

遞相傳別杖留青竹行歌躡紫煙離心無遠

近長在玉京懸齊賢曰神仙傳壺公謂費長

欲親眷不知其去有何計公乃取一青竹杖

與長房曰卿以竹杖歸家便可稱病以此竹

杖置卧處默然便來房如公言去後家人見

房死尸在床哭葬之及歸公又與竹杖曰但

騎此得到家房騎竹杖辭去忽如腫覺已到

家具迷視之乃青龍也古白鴻頌茲亦耿介

矯翮紫煙士贊曰老子云道隱無名記禮運

而不可受不可得而不可見又曰道不可聞聞而非也道不可見見而非也道經有靈書二十四事乃老君授青童天君者又莊子齧飲問道被衣被衣言未卒齧缺睡被衣大悅行歌而去之玉京見十四卷

### 金陵送張十一再遊東吳

金陵

張翰黃花句風流五百年誰人今繼作夫子  
世稱賢再動遊吳棹還浮入海船春光白門  
柳霞色赤城天去國難為別思歸各未旋空  
餘賈生淚相顧共悽然

齊賢曰張翰字季鷹吳人詩曰青條若總

翠黃花如散金金陵有白下門會稽記赤城山色赤狀似雲霞曲禮丈夫士去國祭器不諭境史記賈生為梁懷王太傅數年王墮馬死無後生自傷為傳無狀哭泣歲餘亦死士贊曰漢書漢王心悽然憐薄姬

### 送紀秀才遊越

海水不滿眼觀濤難稱心即知蓬萊石却是  
巨鰲簪送爾遊華頂令余發鳥吟仙人居射  
的道士住山陰禹穴尋溪入雲門隔嶺深綠  
蘿秋月夜相憶在鳴琴

齊賢曰枚乘七發曰將以八月之望觀濤

于廣陵之曲江孔靈符會稽記射的山南有  
白鶴山此鶴為仙人取箭王羲之傳山陰有  
道士養好鵝羲之往觀焉太史公自亭云上  
會稽探禹穴張晏曰禹巡狩至會稽而崩因  
葬焉上有孔穴民間云禹入此穴若耶溪雲  
門寺在越州會稽縣南齊何胤嘗遊焉郭璞  
詩綠蘿結高林北山移文秋蘿罷月左思詩  
巖穴無結構丘中有鳴琴士贊曰巨鰲戴山  
及莊舄越吟並見前  
陶潛文孤遺滿眼

### 送長沙陳太守二首

長沙陳太守逸氣凌青松英主賜五馬本是  
天池龍湘水迴九曲衡山望五峯榮君按節

云不及遠相從

齊賢曰漢儀太守五馬周禮

文帝與吳質書曰公幹有逸氣但未適耳晉  
書桓溫傳史臣曰桓溫挺雄豪之逸氣江淹  
詩青松挺秀莖銑曰青松喻真性也莊子曰  
南溟者天池也子虛賦案節未舒師古曰案  
節猶弭節也

### 其二

七郡長沙國南連湘水濱定王垂舞袖地窄

不迴身莫小二千石當安遠俗人洞庭鄉路

遠遙羨錦衣春

齊賢曰唐志潭州長沙郡衡  
州衡陽郡永州零陵郡道州

江華郡郴州桂陽郡邵州邵陽郡止六郡湘  
水見前注漢書長沙定王發母唐姬故程姬  
侍者景帝召程姬程姬有所避不願進而幸  
侍者唐兒使夜進上醉不知以爲程姬而幸  
之生子因名發以母微而無寵故王甲濕貧  
國應邵曰景帝後二年諸王來朝有詔更前  
稱壽歌舞定王但張袖小舉手左右笑其拙  
上怪問之對曰臣國小地狹不足回旋帝乃  
以武陵零陵桂陽益焉漢志秦郡守秩二千  
石漢中二千石二千石皆皂蓋朱兩轡師古  
曰中二千石實得二千石也中之爲言滿也  
月得一百八十斛是一歲凡得二千一百六  
十石言二千者舉成數也周高祖謂劉雄曰  
古人云富貴不歸故鄉猶衣錦夜遊今以卿  
爲本州  
如何

### 送楊燕之東魯

關西楊伯起漢日舊稱賢四代三公族清風

播人天夫子華陰居開門對玉蓮何事歷衡

霍雲帆今始還齊賢曰楊震字伯起號關西

秉延熹五年代劉矩爲太尉子賜字伯獻熹

平二年代唐珍爲司空後拜太尉子彪字文

先光和六年代董卓爲司空其冬代黃琬爲

司徒彪傳云自震至彪四世太尉德業相繼  
則五公當爲三公今釐正之華山記山頂有  
池生千葉蓮花服之羽化因名華山山有蓮  
花峯士贊曰晉陶潛傳論曰激清風於來葉  
衡山記衡山南嶽也至黃帝乃以瀟霍一山

為副爾雅霍山為南嶽蓋因其制也至漢武帝南巡又以衡山遐遠阻江乃徙南嶽之祭于廬江瀟山北亦軒轅副義也君坐稍解顏馬融廣成頌曰張雲帆施蜺幃

為我歌此篇我固侯門士謬登聖主筵一辭

金華殿蹭蹬長江邊二子魯門東別來已經年因君此中去不覺淚如泉

齊賢曰列子云夫子始一解顏而笑西都賦金華玉堂後漢書楊賜勸講金華海賦蹭蹬窮波太白子伯禽及女皆在魯士贊曰漢書樓護傳王氏賓客滿門五侯爭名其客各有所厚不得左右唯護盡入其門咸得其懽心劉琨詩淚下如流泉

### 送蔡山人

我本不棄世世人自棄我一乘無倪舟八極縱遠拖燕客期躍馬唐生安敢譏採珠勿驚龍大道可暗歸故山有松月遲爾翫清暉

齊賢

曰莊子夫欲勉於形者莫如棄世棄世則無累矣鮑照詩君平獨寂寞身世兩相棄列子曰至人揮斤八極神氣不變史記蔡澤燕人從唐舉相唐舉熟視而笑曰先生昂鼻巨肩雕顏感鶻膝寧吾聞聖人不相殆先生乎蔡澤知唐舉戲之乃曰富貴吾所自有所不知者壽也舉曰先生之壽從今以往者四十三歲澤笑諫而去謂御者曰吾持梁刺齒躍肥

仁



馬疾驅懷黃金之印結紫綬於腰揖讓人主  
之前食肉富貴四十二年足矣莊子曰千金  
之珠必在九重之淵而驪龍領下子能得珠  
者必遭其睡也士贇曰老子曰大道甚夷民  
好徑謝靈運詩曰昏旦變氣候山水含清暉  
清暉能娛人遊子澹忘歸又溟漲無端倪

### 送蕭三十一之魯中兼問稚子伯禽

六月南風吹白沙吳牛喘月氣成霞水國鬱  
蒸不可處時炎道遠無行車夫子如何涉江  
路雲帆嫋嫋金陵去高堂倚門望伯魚魯中  
正是趨庭處我家寄在沙丘傍三年不歸空

斷腸君行既識伯禽子應駕小車騎白羊

齊賢

曰世說滿奮對晉武曰臣猶吳牛見月而喘  
注今之水牛生江淮間謂之吳牛南土多暑  
而此牛畏熱見月疑是日所以見月則喘戰  
國策齊王孫賈之母謂賈曰汝朝出而晚來  
則吾倚門而望孔鯉字伯魚論語他日又獨  
立鯉趨而過庭士贇曰顏延年詩水國周地  
險范彥龍詩水國富英奇古詩涉江採芙蓉  
馬融廣成頌張雲帆施幌憐楚詞嫋嫋兮秋  
風史匈奴傳曰兒  
能騎羊射鳥鼠

### 送楊山人歸嵩山

我有萬古宅嵩陽玉女峯長留一片月挂在

東溪松爾去掇仙草菖蒲花紫茸

一作君行到此峯餐

衰容駐歲晚或相訪青天騎白龍

齊賢曰嵩山有玉女峯抱

朴子曰菖蒲須石上一寸九節已上紫花者尤善神仙傳王興城陽人居壺谷中凡民也

漢武帝嵩山登大愚石起道宮使董仲舒東方朔等齋潔思神至夜忽見仙人長二丈耳

出頭巔下至肩武帝禮而問之仙人曰吾九

疑之入聞中岳石上菖蒲一寸九節可以服

之長生故來采耳忽失神人所在帝顧侍臣

曰彼非學道服食者必中岳之神以喻朕耳

為之采菖蒲服之經三年覺夢不快遂止時

從官多服然莫能持久唯王與聞仙人教武

帝乃採服之不息遂得長生鄰里老小皆云

世見之神仙傳太真夫人名婉羅與馬明生

居所往常有白龍迎之

### 送殷淑三首

海水不可解連江夜為潮俄然浦嶼闊岸去

酒船遙惜別耐取醉鳴榔且長謠天明爾當

去應便有風飄齊賢曰柳漁人所擊板也

### 其二

白鷺洲前月天明送客迴青龍山後日早出

海雲來流水無情去征帆逐吹開相看不忍

別更進手中杯齊賢曰史正志碑秦淮與外  
照詩云徘徊留連不忍散  
陶潛詩云且進杯中物

其三

痛飲龍筇下燈青月復寒醉歌驚白鷺半夜  
起沙灘

送岑徵君歸鳴臯山

岑公相門子雅望歸安石奕世皆夔龍中台  
竟一作三折至人達機兆高揖九州伯柰何

天地間而作隱淪客貴道能一作全真潛輝

卧幽鄰探元入窅默觀化游無垠齊賢曰孟

門必有將相門必有相晉謝安字安石少

重名奕世累世也張華為開府儀同三司少

子躔以中台星折勸華遜位不從曰天道玄

遠唯修德耳卒見誅列子曰至人潛行虛空

蹈火不熱行乎萬物之上而不慄晉桓玄曰

父為九州伯桓譚新論曰天下神人五一日

神仙二曰隱淪謝靈運詩既往隱淪客莊子

廣成子曰至道之精窈窕冥冥至道之極昏

昏默默滑介叔曰吾與子觀化而化及我我

又何必惡焉士贇曰謝靈運詩高揖七州外記

聘義曰天下莫不貴者道也莊子孔子曰子

之道非可以全真者也嵇康詩志在守撲養

素全真賈誼賦 光武有天下嚴陵為故人雖

登洛陽殿不屈巢由身余亦謝明主今稱偃

蹇臣登高覽萬古思與廣成鄰蹈海寧受賞

還山非問津西來一搖扇共拂元規塵齊賢曰莊

子黃帝聞廣成子在空同之上往見之論語使子路問津王導傳庾亮據上流擁強兵導

內不能平嘗遇西風塵起舉扇自蔽徐曰元規塵汚人士贇曰江淹詩偃蹇尋青雲阮籍

詩登高望九州盧諶詩登高眺遐荒顏延之詩萬古陳徃還嚴子陵及魯連蹈海事並見

卷二

### 送范山人歸太山

魯客抱白鶴一作雞別余徃泰山初行若片雲

一作雪杳在青崖間高高至天門日觀一作海近

可攀雲山望不及此去何時還齊賢曰漢官儀曰太山東

名曰日觀雞一鳴時見日始出長三丈所上贊曰泰山記云泰山盤道屈曲而上凡五十

餘盤經小天門大天門西巖為仙人石門東巖為介丘東南巖名曰日觀詩云瞻望不及

江淹詩曰黃雲蔽千里遊子何時還

分類補註李太白詩卷之十七

分類補註李太白詩卷之十八

送

送韓侍御之廣德

昔日繡衣何足榮今宵貫酒與君傾暫就東

山賒月色酣歌一夜送泉明士贊曰繡衣相如貫酒謝安東

山事見前

白雲歌送友人

楚山秦山多白雲白雲處處長隨君君今還

入楚山裏雲亦隨君渡湘水水上女蘿衣白

雲早臥早行君早起士贊曰此詩已見第六卷特首尾數語不同而

此則尾語差拙恐是初本未經改定者今兩存之

### 送通禪師還南陵隱靜寺

我聞隱靜寺山水多竒蹤巖種朗公橘門深

杯渡松道人制猛虎振錫還孤峰他日南陵

下相期谷口逢齊賢曰傳燈錄婺州有木陳從朗禪師劉宋時杯渡者不

知姓名常乘木杯渡水惠忠禪師居禪祚寺有供僧穀兩廩盜若窺虎即守之縣令張遜

至山頂謁問師有何徒弟師曰有三五入孫曰如何得見師敲禪牀有三虎哮吼而出孫驚怖而退永嘉真覺禪師初至曹溪參六祖遠繩牀三匝振錫而立唐南陵縣隸宣州士贊曰真祥記沙門康法朗晉永嘉中人也

### 送友人

青山橫北郭白水遶東城此地一為別孤蓬

萬里征浮雲遊子意落日故人情揮手自茲

去蕭蕭班馬鳴齊賢曰曹植詩轉蓬離本根飄颻隨長風類此客遊子捐

軀從遠戎毛詩蕭蕭馬鳴左傳有班馬之聲士贊曰鮑照蕪城賦孤蓬自振驚沙坐飛向

日孤逢草也無根而隨風飄轉者自喻客遊也江淹詩渺然萬里遊古詩浮雲蔽白日遊子不顧返史范曄曰綈袍戀戀有故人之意任昉詩一朝萬化盡猶我故人情劉玄休詩揮手從此辭

### 送別

斗酒渭城邊壚頭醉不眠梨花千樹雪楊葉萬條煙惜別傾壺醕臨分贈馬鞍看君潁上去新月到應圓齊賢曰選古詩斗酒相娛樂漢書注師古曰賣酒之處累土為壚以居酒瓮四邊隆起其一面高形如鍛壚故名壚耳左傳士會自秦歸晉繞朝贈

之以策唐潁上縣隸潁州汝陰郡士贊曰楚詞思不眠以至曙陶潛詩曰斗酒聚比鄰又傾壺絕餘歷毛詩云有酒醕我

### 江上送女道士褚三清遊南嶽

吳江女道士頭戴蓮花巾霓衣不濕雨特異陽臺雲足下遠遊履凌波生素塵倦尋向南

嶽應見魏夫人齊賢曰太霄經曰人行大道謂之道士周穆王因尹軌制

樓觀遂召幽逸之人為道士楚詞青雲衣兮白霓裳陽臺雲見前洛神賦踐遠遊之文履又凌波微步羅襪生塵集仙錄魏夫人者任城人晉魏舒女名華存字賢安好道適南陽

劉文字幼彥生二子曰璞曰遐二子粗立乃齋于別寢將逾三月太極真人等來降授神真之道在世八十二年以晉成帝咸和九年清虛真人于褒與東華青童與夫人成藥兩劑服之白日上昇領上真司命南嶽夫人比秩仙公使治天台大霍仙洞臺中

### 送友人入蜀

見說蠶叢路崎嶇不易行山從人面起雲傍馬頭生芳樹籠秦棧春流遶蜀城升沉應已

定不必問君平

士贊曰蠶叢棧道又嚴君平賣卜於成都市並見前阮籍

詩芳樹垂綠葉謝眺詩雲行芳樹低江朝請淥水曲春流豈難越

### 送趙雲卿

白玉一杯酒綠楊三月時春風餘幾日兩鬢各成絲秉燭唯須飲投竿也未遲如逢渭川

獵猶可帝王師

士贊曰古詩晝短苦夜長何

竿東海旦旦而釣周西伯出獵得呂尚於渭川迎以為師事見三卷

### 送李青歸南葉陽川

伯陽僊家子容色如青春日月秘靈洞雲霞辭世人化心養精魄隱凡宵天真莫作千年



別歸來城郭新

齊賢曰神仙傳老子名耳字伯陽楚國苦縣曲仁里人其

母感大流星而有娠雖受氣天然見於李家猶以李為姓或云老子先天地生或云天之精魄蓋神靈之屬或云母懷之七十二年乃生或云其母無夫老子是母家之姓或云老子之生適至李樹下而生老子生而能言指李樹曰以此為我姓或曰上三皇時為玄中法師下三皇時為金闕帝君伏羲時為鬱華子神農時為九靈老子祝融時為廣壽子黃帝時為廣成子顓頊時為赤精子帝嚳時為錄圖子堯時為務成子舜時為尹壽子禹時為真行子湯時為錫則子文王時為支邑先生一為守藏史皆見於羣書不出於神仙正傳未可據也葛稚川云按西昇中胎及復命

胞及珠韜玉機全篇內經云老子黃白色美鬚廣額長耳大目疎齒方口厚脣額有三五達理日角月懸鼻純骨雙柱耳有三漏門足踏三五手把上文以周文王時為守藏史武王時為柱下史時俗見其久壽故號老子遼東華表柱上有鶴云有鳥有鳥丁零威去家千年今始歸城郭猶是人民非土贊曰江淹詩雲霞肅川漲郭璞江賦納隱淪之列真挺異人之精魄江淹詩偃蹇尋青雲隱淪駐精魄道人讀丹經方士煉玉液左傳心之精爽是為魂魄孟子隱几而臥莊子南郭子綦隱几而臥仰天而嘘嗒焉似喪其偶

送舍弟

吾家白額

一作馬

駒遠別臨東道他日相思一

夢君應得池塘生春草

齊賢曰謝靈運嘗於

不就忽夢見惠連即得池塘生春草大以為

工士贊曰吾家白額駒是用涼武昭王事也

按晉史武昭王暠字玄盛少好學長習武藝與

李廣之十六世孫玄盛少好學長習武藝與

呂光太史令郭馨及其同母弟宗繇同宿馨

起謂繇曰君當位極人臣李君有國士之分

家有駟黃馬生白額駒此其時也呂光未京

兆段業自稱涼州牧署玄盛效穀令會燉煌

太守孟敏卒於是護軍郭謙等以玄盛溫毅

有惠政推為燉煌太守玄盛初難之會宋繇

仕於鄴告歸燉煌言於玄盛曰兄忘郭馨之

言耶白額駒今生矣玄盛乃從之自是霸有

秦涼遷都酒泉及薨國人上謚曰武昭王至

唐朝尊上謚號曰興聖皇帝此言吾家白額

駒者亦謂同所自出云爾亦老杜詩龍準自

與常人殊之意也楊脩書曰吾家子雲阮籍

詩天馬出西北由來從東道

送別得書字

水色南天遠舟行若在虛遷人發佳興吾子

訪閒居日落看歸鳥潭澄羨一作躍魚聖朝

思賈誼應降紫泥書齊賢曰詩云於初魚躍

徵見隴右記階州武都郡紫水有泥其色赤

紫而粘貢之用封璽書士贊曰鮑照詩臨歌

不知調發興誰與歡陶潛詩閒居三

送麴十少府

試發清秋興因為吳會吟碧雲歛海色流水  
折江心我有延陵劍君無陸賈金艱難此為  
別惆悵一何深齊賢曰潘安仁秋興賦序云于時秋也故以秋興命篇魏文帝詩南行至吳會江淹詩日暮碧雲合陸賈孝惠時呂后用事賈自度不能爭之乃病免有五男乃出所使越橐中裝賣千金分其子子二百金令為生產楚詞惆悵兮私自憐士贇曰延陵季子挂劍徐君墓事見前曹植詩離思一何深

送張秀才謁高中丞

并序婁陽

余時繫潯陽獄中正讀留侯傳秀才張孟

熊蘊滅胡之策將之廣陵謁高中丞余喜

子房之風感激於斯人因作是詩以送之

秦帝淪玉鏡

一作六雄滅金虎

留侯降氛氲感激黃

石老經過滄海君壯士揮金槌報讐六國聞

智勇冠終古蕭陳難與羣

齊賢曰維書曰秦失金鏡喻明道也

漢張良傳秦滅韓良遂以家財求刺客秦王為韓報仇東見滄海君得力士為鐵槌重百二十斤狙擊秦皇帝博浪沙中誤中副車秦帝大怒大索天下求賊甚急良乃逃匿下邳

嘗縱步遊下邳圯上有一老父衣褐至良所  
 直墮其履圯下曰孺子下取履良愕然下取  
 履因長跪進之父以足受笑曰孺子可教後  
 五日平明與我會此出一編書曰讀此則為  
 王者師後十年陳涉起沛公略地下邳張良  
 遂屬焉漢書贊張良之智勇王贊曰沈約芳  
 樹詩氛氳此一香雪賦氛氳蕭索盧謐詩智  
 勇冠當世莊子終古不忒蕭陳蕭何陳平也

兩龍爭鬪時天地動風雲酒酣一作舞長劍  
 倉卒解漢紛宇宙初倒懸鴻溝勢將分英謀  
 信竒絕夫子揚清芬一作夫子稱卓胡月入  
 紫微三光亂天文高公鎮淮海談笑却妖氛

採爾幕中畫戡難光殊勲我無燕霜感玉石  
 俱燒焚但灑一行淚臨岐竟何云齊賢曰光

符曰四夷雲集龍鬪野漢書叙傳曰解厄鴻  
 門詳見史記留侯世家及漢書本傳魯仲連  
 曰所貴於天下之士為人排患難解紛亂而  
 無取也孟子曰猶解倒懸也史記項王乃與  
 漢約中分天下割鴻溝以西為漢東為楚胡  
 祿山也祿山死日太白食月廿氏星經紫微  
 宮二十四星在北斗北東垣七西垣七主大  
 帝坐天子常居漢郊祀志祀天則天文從祭  
 墜則墜理從日月星為三光禹貢淮海維揚  
 州左思詩談笑却秦軍鄒衍盡忠於燕燕王  
 踈之衍仰天而歎六月為之降霜尚書火炎  
 崑岡玉石俱焚士贊曰韓信傳兩龍方鬪易

雲從龍風從虎聖人作而萬物覩班固荅賓  
戲彼皆躡風雲之會後漢二十八將論曰咸  
能感會風雲奮其智勇史漢高紀酒酣高祖  
擊筑自為歌詩應劭曰不醒不醉曰酣一曰  
酣洽也前漢王嘉傳臨事倉卒乃求荀彧傳  
論曰自帝遷西京山東騰沸天下之命倒懸  
矣荀君間關以從當此期紆民於倉卒也賈  
誼治安策曰天下之勢方倒懸足反居上首  
頓居下倒懸如此莫之能解陸機文賦誦先  
人之清芬桓沖傳曰揚芬千載之上北史高  
琳詩曰何以報天子沙漠淨妖  
氛謝眺張子房詩婉婉幕中書

潯陽送弟昌峒鄱陽司馬作

桑落洲渚連滄江無雲煙潯陽非剡水惚見

子猷船飄然欲相近來遲杳若僊人乘海上

月帆落湖中天一覩無二諾朝歡更勝昨爾

則吾惠連吾非爾康樂朱紱白銀章上官佐

鄱陽松門拂中道石鏡迴清光搖扇及干越

水亭風氣涼與爾期此亭期在秋月滿時過

或未來兩鄉心已斷吳山對楚岫彭蠡當中

州相思定如此有窮盡年愁齊賢曰彭澤地

落洲九域志隸江州潯陽郡王子猷雪夜訪  
戴安道於剡中見前後漢郭林宗與李膺同

舟而濟衆賓望之以爲神仙論語子路無宿  
諾謝惠連靈運族弟靈運襲封康樂公禮大  
夫綏色皆黃朱師古曰漢儀銀印在龜紐其  
文曰章謂刻曰其官之章司馬郡之佐也謝  
靈運詩攀崖照石鏡牽葉入松門顧野王輿  
地志自入湖三百三十里窮於松門東西四  
十里青松徧於兩峰張僧鑒尋陽記石鏡山  
東有一圓石懸崖明淨照人見形嚴助傳淮  
南王安書曰越人欲爲變必先由餘干界中  
韋昭曰越邑今鄱陽餘干縣是也學記時過  
然後學則勤苦而難成江淹詩日暮碧雲合  
佳人殊未來又素心正如曹植詩暮碧雲合  
終極

### 餞校書叔雲

少年費白日歌笑矜朱顏不知忽已老喜見

春風還惜別且爲歡徘徊桃李間看花飲美

酒聽鳥臨晴山向晚竹林寂無人空閉關齊賢

曰文選古詩思君令人老歲月忽已晚嵇康  
所與交者阮籍山濤向秀劉伶籍元子咸王  
戎爲竹林之遊世謂竹林七賢顏延年詩劉  
伶善閉關士贊曰阮籍詩平生少年時輕薄  
好弦歌王粲詩白日忽已暝古詩攬衣起徘  
徊江淹賦攀桃李兮不忍別古詩不如飲美  
酒

### 送王孝廉覲省 盧江

彭蠡將天合姑蘇在日邊寧親候海色欲動

孝廉船窈窕晴江轉參差遠岫連相思無晝

夜東泣似長川齊賢曰姑蘇臺隸唐蘇州吳郡以其近東海日所出之地

故云日邊楊子孝莫大乎寧親劉恢為丹陽尹張憑請恢恢留宿明日乃還船須史恢出

傳教求張孝廉船召同載時人榮之士贊曰鮑照登大雷岸與妹書曰西則回江永指長

波天合曹攄詩窈窕山道深子虛賦岑峯參差曹植詩相思無終極

### 同吳王送杜秀芝舉入京

秀才何翩翩王許回也賢暫別廬江守將遊

京兆天秋山宜落日秀木出寒煙欲折一枝

桂還來鴈沼前齊賢曰古有秀才一科故永

高第明經平原君翩翩濁世之佳公子也唐

吳王祗元宗時為陳留太守持節河南道節

廬江郡使子獻嗣王論語賢哉回也唐廬州

風必摧之士贊曰後漢左雄等傳論曰漢初

訪舉賢良方正州郡舉孝廉秀才亦貢士之

方也唐選舉志其科之目有秀才自後士人

通稱謂之秀才顏延年詩陰谷曳寒煙晉郗

第一對武帝曰臣舉賢良對策為天下

### 洞庭醉後送絳州呂使君果流澧州

江  
夏

昔别若夢中天涯忽相逢洞庭破秋月縱酒  
開愁容贈劍刻玉字延平兩蛟龍送君不盡  
意書及鴈迴峰齊賢曰繫辭言不盡意士贊曰古詩各在天一涯漢田儋傳縱酒註師古曰縱放也故意而飲酒劍至延平津躍水化龍及迴鴈峰事見前江淹別賦送君南浦傷如之何

與諸公送陳郎將歸衡陽

并序

仲尼旅人文王明夷苟非其時聖賢低眉

况僕之不肖者而遷逐枯槁固非其宜朝  
心不開暮髮盡白而登高送遠使人增愁  
陳郎將義風凜然英思逸發來下曹城之  
榻去邀才子之詩動清興於中流泛素波  
而徑去諸公仰望不及連章祖之序慚起  
予輒冠名賢之首作者嗤我乃為撫掌之  
資乎

衡山蒼蒼入紫冥下看南極老人星迴颺吹



散五峰雪往往飛花落洞庭氣清嶽秀有如  
此郎將一家拖金紫門前食客亂浮雲世人  
皆比孟嘗君江上送行無白璧臨岐惆悵若  
為分齊賢曰禹貢岷山之陽至于衡山莊子  
天之蒼蒼其正色耶甘氏星經老人一  
星在弧南為南極星主壽常以秋分日見去  
參三丈出丙入丁丑時候之出三十日却沒  
見則大赦天下安王者壽五峰謂祝融紫蓋  
天柱石廩芙蓉峰也洞庭及南嶽見前楊雄  
解嘲紆青拖紫拖吐賀及史靖郭君田嬰子  
名又為孟嘗君待客坐語而屏風後常有侍  
史主記君所與客語問親戚居處客去孟嘗  
君已使使存問獻遺士以此多歸孟嘗君曹

植詩惆悵盈懷抱王贊曰江淹詩太谷晦蒼  
蒼曹植詩何意迴颺舉漢書吳王傳寡人金  
錢在天下者往往而有禮記有如此者後漢  
馮衍傳曰經歷顯位懷金垂紫史記孟嘗君  
名又姓田氏卒謚為孟嘗君相齊時封萬戶  
於薛其食客三千人史記虞卿說趙成王一  
見賜黃金百鎰白璧一雙

### 送趙判官赴黔府中丞叔幕

廓落青雲心結交黃金盡富貴翻相忘令人  
忽自哂蹭蹬鬢毛斑盛時難再還巨源咄石  
生何事馬蹄閒綠蘿長不厭却欲還東山齊賢

曰楚詞廓落兮羈旅而無友生戰國策蘇秦說秦王書十上而說不行黑貂之裘弊黃金百斤盡去秦而歸百里奚仕秦其妻歌曰百里奚五羊皮憶別時烹伏雌炊煖屨今日富貴忘我為海賦贈躑躅窮波注失勢貌山濤字巨源辟河南從事與石鑿共宿濤夜起蹴鑿曰今為何等時而眠耶知太傅臥向意鑿曰宰相三不朝與尺一令歸第卿何慮也濤曰咄石生無事馬蹄閒耶投傳而去未二年果有曹爽事郭璞詩綠蘿結高林謝靈運詩久欲還東山注東山會稽始寧也士贊曰史范睢傳不意君能自致於青雲之上蘇武詩結交亦相因後魏李冲君為魯曾子拜揖高堂

裏叔繼趙平原偏承明主思風霜摧獨坐旌

節鎮雄藩虎士秉金鉞蛾眉開玉樽才高幕下去義重林中言水宿五溪月霜啼三峽猿

東風春草綠江上候歸軒齊賢曰史記曾參南武城人字子輿

孔子以為能通孝道故授之業作孝經史記趙勝喜賓客食客至數千人是為平原君後漢宣秉拜中丞光武特詔中丞與司隸尚書令會同並專席而坐京師語曰三獨坐唐制節度使辭曰賜雙旌雙節詩云四國于蕃四方于宣離騷眾女嫉余之蛾眉嵇康與阮籍向秀劉伶籍兄子咸王戎為竹林之遊世謂竹林七賢五溪三峽見前注士贊曰荆州記古歌曰巴東三峽巫峽長猿啼三聲斷人腸陸機詩置酒高堂謝靈運詩水宿淹晨暮

送陸判官往琵琶峽

水國秋風夜殊非遠別時長安如夢裏何日

是歸期

士贇曰顏延年詩水國周地險蘇武詩良人遠別離各在天一方

送梁四歸東平

玉壺挈美酒送別強為歡大火南星月長郊

北路難殷王期負鼎汶水起垂竿莫學東山

臥參差老謝安

齊賢曰秦子曰玉壺必求其所以盛干將必求其所以用

鮑明遠白頭吟清如玉壺冰堯典曰日永星火以正仲夏孔安國云火蒼龍之中星史記

伊尹名阿衡欲干湯無由乃為有莘氏媵臣負鼎俎以滋味說湯太公望呂尚東海上人以漁釣干西伯西伯出獵遇於渭之陽漢志泰山郡汝水出萊蕪西南入濟晉書謝安初高臥東山諸人每相與言安石不起將如蒼生何

江夏送友人

雪點翠雲裘送君黃鶴樓黃鶴振玉羽西飛

帝王州鳳無琅玕實何以贈遠遊徘徊相顧

影淚下漢江流

齊賢曰黃鶴樓在鄂州圖經云費文偉得仙駕黃鶴憇此

謝朓詩金陵帝王州離騷注傳曰南方有鳥其名曰鳳天為生樹曰瓊枝高百二十仞大

三十圍以琅玕為實楚詞云願輕舉而遠遊  
列子顧若影則知之士贊曰宋玉賦主人之  
女上翠雲之裘禮記子路去魯謂顏淵曰何  
以贈我鮑照詩留連徘徊不忍散魏志文帝  
紀注曰顧影憐形

### 送邽昂謫巴中

瑤草寒不死移植滄江濱東風灑雨露會入

天地春予若洞庭葉隨波送逐臣思歸未可

得書此謝情人齊賢曰江淹別賦惜瑤草之徒芳楚詞洞庭波兮木葉下

蒼江流陳琳檄曰隨波漂流鮑照詩逐臣對

撫心漢書曰願從思歸之士

### 江夏送張丞

欲別心不忍臨行情更親酒傾無限月客醉

幾重春藉草依流水攀花贈遠人送君從此

去回首泣迷津齊賢曰天台賦藉萋萋之芳草蔭落落之長松別賦送

君南浦傷如之何士贊曰潘岳詩欲去復不忍任助詩時乖不忍別欲以遣離情鮑照詩

惆悵憶情親楚詞臨流水而歎息蘇武詩我有一樽酒欲以贈遠人毛詩箋曰迴首曰顧

### 賦得白鷺鷥送宋少府入三峽

白鷺拳一足月明秋水寒人驚遠飛去直向

使君灘齊賢曰使君灘在峽州

### 送二季之江東

初發強中作題詩與惠連多慚一日長不及

二龍賢西塞當中路南風欲進船雲峰出遠

海帆影挂清川禹穴藏書地匡山種杏田此

行俱有適遲爾早歸旋齊賢曰謝靈運有登臨海嶠初發強中作

與從弟惠連見羊何共和之謝靈運遊名山記云桂林頂遠則曠天疆中論語以吾一日

長乎爾謝覽弟與覽齊名江淹一見並相欽

挹曰所謂馭二龍於長途者也西塞山在鄂

州表宏東征賦沿西塞之峻岬陶潛詩夏雲

多奇峰禹穴見前廬山記匡續結廬於山故

號匡廬山董奉居廬山治疾病重者種杏五

株輕者一株號曰董仙杏林謝靈運詩登樓

為誰思臨江遲來客註遲猶思也士贇曰家

語顏回問於孔子臧文仲武仲孰賢孔子曰

武仲賢哉回曰夫文仲其言沒而為言不仲也

### 江西送友人之羅浮南昌

然猶有不仁者三不智者三是以為文仲也

也劉琨詩中路阻隔謝靈運詩滅迹入雲峰

又三載期歸旋毛詩云言旋言歸

桂水分五嶺衡山朝九疑鄉關渺安西流浪

將何之素色愁明湖秋渚晦寒姿疇昔紫芳

意已過黃髮期齊賢曰楚詞桂水兮潺湲鄧

甲盼嶺二九真都龍嶺三臨賀萌緒嶺四始

安越嶺五裴氏廣州記云大庾始安臨賀桂

陽揭陽是五嶺衡山一名响嶼山宿當軫翼

應機衡故曰衡山九疑山見三卷唐安西大

都護府初治西州後徙治南昌故地又徙治

龜茲而故府復為西州交河郡謝靈運詩願

以黃髮期養生念將老士贊曰鮑照詩流浪

漸舟經三齡忽有白髮素髭生陶潛祭從弟

敬遠文云余嘗學仕纏綿人事流浪無成懼

負素志歛策歸來爾知我意張載詩疇昔懷

微志江淹詩終覲紫芳心李善曰紫芳紫芝

也曹植詩曰王其愛玉體俱享黃髮期尚書

云詢茲君王縱踈散雲壑借巢夷爾去之羅

黃髮浮我還憇峨眉中闊道萬里霞月遙相思如

尋楚狂子瓊樹有芳枝齊賢曰太白供奉翰

金還山北山移文欺我雲壑巢父伯夷羅浮

峨眉並見前論語楚狂接輿張揖註騷曰瓊

樹生崑崙西李陵贈蘇武詩思得瓊樹枝以

解長饑渴士贊曰謝眺詩踈散謝公卿蕭條

依掾史陸雲詩永路隔萬里江

淹詩願一見顏色不異瓊樹枝

宣州謝眺樓餞別校書叔雲一作陪侍御叔

華登樓歌

棄我去者昨日之日不可留亂我心者今日之日多煩憂長風萬里送秋鴈對此可以酣高樓蓬萊文章建安骨中間小謝又清發俱懷逸興壯思飛欲上青天覽日月抽刀斷水水更流舉杯銷愁愁更復一作愁人生男一作在世不稱意明朝散髮弄扁舟一作舉棹還滄洲齊賢曰孔安國曰樂酒曰酣蓬萊指校書也後漢學者稱東觀為老氏藏室道家蓬萊山建安末鄴中

有魏太子王粲陳琳徐幹劉楨應湯阮瑀平原侯植等詩文皆入文選故曰建安骨也謝靈運子鳳字超宗作殷淑儀誅帝大嗟賞曰超宗殊有鳳毛族弟惠連十歲能屬文靈運嘉賞之云每有篇章對惠連輒得佳語謝眺字玄暉緯之子少學有美名善草隸長五言詩沈約嘗云二百年來無此詩也士贇曰成公綏嘯賦集長風乎萬里陸機詩長風萬里舉五臣選曹植詩絃歌蕩思誰與銷愁古詩齊心同所願含意俱未伸人生寄一世奄忽若飄塵鮑照詩男兒生世間軼軻欲何道范曄後漢書曰表閱散髮絕世鍾會遺榮賦散髮抽簪永絕一丘

宣城送劉副使入秦

李集卷八

七

君卽劉越石雄豪冠當時淒清橫吹曲慷慨  
扶風詞虎嘯俟騰躍雞鳴遭亂離千金市駿  
馬萬里逐王師結交樓煩將侍從羽林兒統  
兵捍吳越豺虎不敢窺大勲竟莫叙已過秋  
風吹齊賢曰晉書劉琨字越石少得雋朗之  
目與范陽祖約俱以雄豪著名元嘉元  
年爲并州刺史在晉陽嘗爲胡騎所圍數重  
城中窘迫無計琨乃乘月登樓清嘯賊聞之  
皆悽然長歎中夜奏胡笳賦又流涕歔歛向  
曉復吹之賊並棄圍而走橫吹見三卷劉琨  
有扶風歌祖逖與琨俱爲司州主簿共被同  
寢中夜聞荒雞鳴蹴琨覺曰此非惡聲也因

起舞戰國策郭隗謂燕昭王曰古之君人有  
以千金求千里馬者三年不能得洵人請求  
之君遣之以三月得千里馬已死買其首五  
百金反以報君不期年千里馬之至者三史  
項羽紀漢有善射者樓煩楚挑戰三合樓煩  
輒射殺之應劭曰樓煩胡也今樓煩縣漢百  
官公卿表武帝太初元年初置建章營騎後  
更名羽林騎又取從軍死事之子孫養羽林  
官教以五兵號曰羽林孤兒士贇曰劉越石  
扶風歌曰去家日已遠安知存與亡慷慨窮  
林中抱膝自摧藏張衡思玄賦超踰騰躍絕  
世俗王褒頌曰故世必有聖智之君然後有  
賢明之臣虎嘯而生谷風龍興而致雲氣雞  
鳴雖本傳事然對偶則祖陸機詩云虎嘯深  
谷底雞鳴高樹巔淮南子曰人主有伐國之  
志邑犬羣嗥衆雞夜鳴晉載記曰雞夜鳴者



不利於行師毛詩亂離瘼矣王粲詩西京亂無象豺虎方構患秉鉞有季公

凜然負英姿寄深且戎幕望重必台司感激

一然諾縱橫兩無疑伏奏歸北闕鳴騶忽西

馳列將咸出祖英寮惜分離斗酒滿四筵歌

嘯宛溪湄君攜東山妓我詠北門詩貴賤交

不易恐傷中園葵齊賢曰書左杖黃鉞右秉白旄戎幕將幕也羊祐表

云恩詔拔臣使同台司註台司三公也曹植詩季布重然諾漢書貫高趙國立名義不侵

為然諾者也史記太史公曰夫言縱衡強秦者大抵皆三晉之人蕭何立東闕北闕北山

移文鳴騶入谷如淳漢書注騶馬以給騶使

乘之崔寔四民月令曰祖道神也黃帝之子

好遠遊死於道路故祀以為道神以求道路

之福毛詩仲山甫出祖陸納以斗酒與桓温

別事見前宛溪隸宣州晉書謝安寓居會稽

雖放情丘壑然每遊賞必以妓女從毛詩北

門刺仕不得志也言衛之忠臣不得其志爾

古詩採葵莫傷正結交莫羞貧傷根葵不生

羞貧交不成士薺曰詩曰其嘯也歌左思詩何事待嘯歌灌木自悲吟漢鄭當時傳曰一

昔贈紫騮駒今傾白玉卮同歡萬

斛酒未足解相思此別又千里一作此外秦

吳渺天涯月印關山苦水劇隴頭悲借問幾

時還春風入黃池無令長相思折斷綠楊枝

齊賢曰毛詩有駢有駱註赤身黑鬣曰駢韓

非子云棠谿公見昭侯曰人有白玉卮而無

當有瓦卮而有當君將何以飲曰以其無當卽

谿公曰白玉卮美而君不以飲以其無當卽

爲人主而漏泄其羣臣之語譬玉卮之無當

王褒燕歌行無復漢地關山月惟有漠北薊

城雲史記吳泰伯世家云吳王北會諸侯於

黃池古詩上言長相思下言久離別蘇武詩

曰生當復來歸死當長相思

### 涇川送族弟錚

涇川三百里若耶羞見之錦石照碧山兩邊

白鷺鷥佳境千萬曲客行無歇時上有琴高

水下有陵陽祠僊人不見我明月空相知問

我何事來盧敖結幽期齊賢曰涇縣在宣州

隸越州徐浩遊之曰曾子不居勝母之門吾

豈遊若耶之溪改爲五雲溪顧愷之啖蔗自

尾至頭曰漸入佳境宣州有琴高山琴溪卽

琴高控鯉之地陵陽山竇子明得仙及盧敖

事並見前蓬山振雄筆繡服揮清詞江湖發秀色

草木含榮滋置酒送惠連吾家稱白眉愧無

海嶠作敢闕河梁詩見爾復幾朝俄然告將

離齊賢曰後漢學者稱東觀蓬萊山謝惠連

靈運族弟馬良眉有白毫於兄弟中最良

含酸赴脩軫中流袂就判欲去情不忍又云

欲折上一生歡并奔千里遊李少卿與蘇武詩

攜手不得辭士贇曰後漢竇章傳章少好學有文

章是時學者稱東觀為老氏藏室道家蓬萊

山太僕鄧康遂薦章入東觀為校書郎陸

機詩秀色若可餐張景陽詩秋草含綠滋中

流漾綵鷁列岼叢金羈歎息蒼梧鳳分棲瓊

樹枝清晨各飛去飄落天南垂望極落日盡

秋深暝猿悲寄情與流水但有長相思齊賢曰鷁

水鳥午的反畫船頭為鷁形曹植詩白馬飾

金羈鄭玄曰鳳凰之性非梧桐不棲廣記曰

南海人以刺桐為蒼梧因以名郡梧州惟城

外有三四株憔悴不榮未嘗開花瓊樹枝見

前垂邊也漢書表周匝三垂顏師古曰

三垂謂北東南也沈約詩清晨戲伊水

秀色發江左風流奈若何仲文了不還獨立  
揚清波載酒五松山積然白雲歌中天度落  
月萬里遙相過撫酒惜此月流光畏蹉跎明  
日別離去連峰鬱嵯峨齊賢曰張衡七辯曰  
淑性窈窕秀色美艷

五松山送殷淑

樂府詩秀色若可餐史記項王自為詩曰虞  
今虞兮奈若何殷仲文少有才藻美容貌謝  
靈運嘗曰若殷仲文讀書半表豹則文才不  
減班固五松山在宣州南陵揚雄贊曰雄家  
素貧嗜酒入希至其門時有好事者載酒肴  
從遊學仙傳拾遺曰王母謠曰白雲在天道  
里悠遠山川間之將子無死尚能復來楚詞  
驥垂兩耳中坂蹉跎士贊曰晉王湛傳論曰  
朝野挹其風流淮南子曰卓然獨立魏文帝  
詩明月照高樓流光正徘徊阮籍詩娛樂未  
終極白日忽蹉跎晉衛恒  
論書曰山嶽嵯峨而連岡

### 送崔氏昆季之金陵

放一作歌倚東樓行子期曉發秋風渡江來

吹落山上月主人出美酒滅燭延清光二崔

向金陵安得不盡觴水客弄歸棹雲帆卷輕

霜扁舟敬亭下五兩先飄揚峽石入水花碧

流日更長思君無歲月西笑阻河梁齊賢曰

亭並見前郭璞江賦峴五兩之動靜註兵書曰凡候風法雞羽重八兩建五丈旗取羽繫其顛立軍營中許慎淮南子註曰院候風也院音柏楚人謂之五兩李陵詩攜手上河梁士贊曰鮑照詩行子心腸斷謝眺詩開軒滅華燭月露皓已盈沈約詩清光信悠哉後漢馬融廣成頌曰然後方餘艤連舫舟張雲帆施蜺幃西笑事見前

登黃山凌敲臺送族弟溧陽尉濟充

泛舟赴華陰 當塗

鸞乃鳳之族翱翔紫雲霓文章輝五色雙在

瓊樹棲一朝各飛去鳳與鸞俱啼炎赫五月

中朱曦爍河堤爾從泛舟役使我心魂悽 賢齊

曰山海經女牀之上有鳥狀如翟五彩畢備

聲似雉而尾長名為鸞瑞應圖鸞者鳳凰之

左傳秦歸晉粟自雍及絳命曰汎舟之役士

所薄郭璞詩朱曦將由白江文通詩何用告

心秦地無草木南雲喧鼓鼙君王減玉膳早

起思鳴雞漕引救關輔疲人免塗泥宰相作

霖雨農夫得耕犁靜者伏草間羣才滿金閨

空乎無壯士窮居使人低 齊賢曰左傳野無

矣朝既盈矣唐裴耀卿傳開元二十一年秋

者耀卿曰陛下既東巡百司畢從則太倉三

實關輔關輔既實則乘輿西還事茂不濟且

觀永徽時祿廩者少歲漕粟二十萬略足今

用度寔廣漕運數倍且不支臣願廣夾運道

使京師常有三年食雖水旱不足憂天子然  
之拜黃門侍郎同中書門下平章事充轉運  
使於是置河陰集津三門倉引天下租由孟  
津沂河而西三年積七百萬石省運費三十  
萬緡左傳絳縣老人辱在塗泥說命用汝作  
霖雨江淹別賦金閨之諸彥金閨金馬門也  
謝眺詩既通金閨籍士贊曰南史沈文送君  
秀傳曰逃命草間陶潛詩念彼窮居士

登黃山長嘯倚一作天梯小舟若鳧大舟

若鯨鯢開帆散長風舒卷與雲齊日入牛渚

晦蒼然夕煙迷相思在何許一作杳在洛陽

西齊賢曰太白自註時在當塗即今之太平也黃山在城北凌敲臺在其上毛詩弋鳧

與鴈古今注雉曰鯨雖曰鯢江賦長風颭以  
增扇江淹賦卷舒雖萬緒牛渚磯隸當塗即  
温嶠燃犀處華陰在洛陽之西士贊曰楚詞  
臨深水而長嘯陸機詩長風萬里舉淮南子  
曰盈縮卷舒與時變化  
阮籍詩曰良辰在何許

### 送儲邕之武昌

黃鶴西樓月長江萬里情春風三十度空憶

武昌城送爾難為別街杯惜未傾湖連張樂

地山逐泛舟行諾謂楚人重詩傳謝眺清滄

浪吾有曲寄入棹歌聲齊賢曰黃鶴樓見前孫權破關羽自公安

徙都鄂改名武昌今鄂州之東百二十里武昌縣即權故官與黃州相對劉伶酒德頌街杯漱醪莊子北門成問於黃帝曰帝張成池之樂於洞庭之野吾聞之懼復聞之怠謝眺詩洞庭張樂地瀟湘帝子遊季布傳曹丘生曰楚人諺曰得黃金百斤不如季布一諾屈源漁父歌曰滄浪之水清兮可以濯我纓士贊曰史記未嘗銜杯酒接慇懃之歡郭璞江賦歎漁父

分類補註李太白詩卷之十八

